

Poortorneqanngitsunik annertoorsuakkuutaarlugit usitut assartuinnermut, oqimaaloquttatut atuinnermut imaluunniit Sikuiuitsumi Kujallermi uuliamik kinertumik umiarsuarnut orsussatut assartuinnermut aamma atuinnermut aammalu Issittumi uuliamik kinertumik umiarsuarnut orsussatut atuinnermut aamma assartuinnermut inerteqqut pillugu nalunaarut¹

Inatsimmut nalunaarut nr. 147, 19. februar 2024-meersoq naapertorlugu, imaani avatangiisinik illersuineq pillugu inatsimmi § 32, imm. 1, § 33, imm. 1, § 48, imm. 1 aamma 2 aamma § 61, imm. 1, malillugit tulliuuttut aalajangersarneqarput:

Atuuffii aamma nassuiaatit

§ 1. Nalunaarut, § 2, imm. 1, nr. 1 naapertorlugu, issittup avannarliup imartaani avannarlermiittunut, Kalaallit Nunaata imaatigut aningaasarsiornikkut akisussaaffittut killeqarfiata avataaniittunut imaluunniit sikuiuitsoq kujalliup imartaaniittunut qallunaat umiarsuaataannut atuuppoq.

Imm. 2. Nalunaarut makkunani atuutinngilaq:

- 1) Umiarsuit sorsuutit, umiarsuillu allat, naalagaaffimmiit pigineqartut, atorneqartulluunniit, umiarsuaq naalagaaffimmik kiffartuussisutut niuerneruunngitsoq atorneqartillugu.
- 2) Umiarsuit isumannaallisarnerannik qulakkeerinernut, imaluunniit ujaasinernut aamma annaassiniaanernik ingerlatanut akuutinneqartut, umiarsuit.
- 3) Umiarsuit, Issittumi uuliakoornernut tunngatillugu, upalungaarsimanernut ilaasut.

¹ Nalunaarut missingiutitut, teknikkikkut malittarisassat kiisalu ilisimatitseqatigisartakkat atortorissaarutaannut malittarisassat eqqarsaatigalugit ilisimatitsinissamut periaaseq (inatsisitigut maleruagassanik paasiuminarsaatitut aaqqissuussaq) pillugu Europa-Parlamentip aamma Rådetip malittarisassiaa (EU) 2015/1535 naapertorlugu nalunaarutigineqareerpoq.

§ 2. Nalunaarummi matumani, tulliuuttut ima paasineqassapput:

- 1) Kalaallit Nunaata imaatigut aningaasarsiornikkut akisussaaffittut killeqarfia: Imartaq, Kalaallit Nunaata imartaata killeqarfianut annguttup silataani, qaqugukkulluunniit atuuttuniit tunngaviumik titarnerniit (basislinje) ungasissuseq 200 sømilimut.
- 2) Sikuiuitsup Kujalliup imartaa: Allorniusap sanimukartup kippasissup 60°-p kujasissortaani imartaq.
- 3) Issittumi imartaq: Imartat, allorniusap sanimukartup 58°00'. 0 N-ip, killingata avannarpasissuani, aamma allorniusaq tukimukartoq 042°00'. 0 V, allorniusaq sanimukartoq 64°37'. 0 N-imut, allorniusaq tukimukartoq 035°27'. 0 V, tassannganiillu kompaslinje aqqusaarlugu allorniusaq tukimukartoq 70°49'. 56 N-imut, aamma allorniusaq tukimukartoq 008°59'. 61 V (Sørkapp, Jan Mayen) Jan Mayen-illu sineriaata kujasissortaa aqqusaarlugu, 73°31'. 6 N-imut aamma 019°01'. 0 Ø Bjørnøya-p eqqaani, tassannganiillu, kaajallattarissap killinga angisooq aqqusaarlugu, allorniusaq sanimukartoq 68°38'. 29 N-imut, aamma allorniusaq tukimukartoq 043°23'08 Ø (Cap Kanin Nos) tassannganiillu, asiap nunavissuata sineriaata avannarpasissua aqqusaarlugu, Beringstræde-p kangianut, tassannganiillu Beringstrædip kitaatunganiit, allorniusaq sanimukartoq 60° N-imut, Il'pyrskiy-p tungaanut ungasitsigisumik, 60.-ata avannarpasissua allorniusaq sanimukartup kangianut, Etolin-stræde ilanngullugu ungasissusilimmik, tassannganiillu amerikap avannarliup nunavissuata sineriaa avannarleq aqqusaarlugu, allorniusaq sanimukartoq 60° N-imut kujasinneraanut, tassannganiillu, kangiata tungaanut allorniusaq sanimukartoq 60° N atuarlugu, allorniusaq tukimukartoq 056°37'. 1 V-mut, tassannganiillu allorniusaq sanimukartoq 58°00'. 0 N, allorniusaq tukimukartoq 042°00'. 0 V-mut.
- 4) Kategori A-umiarsuit: Umiarsuup avannaarsuani umiarsuarnut allagartamut (polarskibcertifikat) atatillugu, kategori A-umiarsuarni allagartaavoq, Imarsiornermi aqutsisoqarfiit ilaanniit, immikkoortiterinermi suliffeqarfimmiit, kategori A-umiarsuarnut akuerineqartoq.

- 5) Kategori B-umiarsuaq: Umiarsuup avannaarsuani umiarsuarmut allagartaa, kategori B-umiarsarni allagartaavog, Søfartstyrelsenimit, immikkoortiterinermi suliffeqarfimmiit akuerineqartoq.
- 6) Sineriak: tunngaviusumik killeq, immat killeqarfii silarlit, nunat assigiinngitsut pisinnaatitaaffii isumaqatigalugit aalajangerneqartut.
- 7) Immat killeqarfii silarpasinnerit: Immat killeqarfii silarpasinnerit, Kalaallit Nunaanni aningaasaqarnermi immikkoortitikkani minnerusuni, immami avatangiisiinik illersuinermit inatsit § 5, imm. 3-mi ilaatinneqartoq.
- 8) Uulia: Immap avatangiisaasa illersorneqarnerinut inatsimmi § 9, imm. 1-mi uuliap nassuiaammi ilaatinneqartumi.
- 9) Uulia akuiarneqanngitsoq: ikummatissap akua puttasinnaasoq, nunaminngaaneersoq, assartorneqarsinnaaneranut naleqqussakkamik suliarineqarsimagaluarpalluunniit, takuneqarsinnaasumi uulia akuiagaanngitsoq, akui tamakkerlugit peerneqanngitsut, uuliamillu akuiagaanngitsumi akuinik ilaneqarsimasuni.
- 10) Umiarsuaq: Angallat imarsiut sunaluunniit, immap avatangiisaanik suliaqartoq, takuneqarsinnaasumi, angallatit immap qaavagut qaapiartaatit (hydrofojlåd), angallatit naqqagut pullattagaasallit (luftpudebartøj), angallatit aqqartartut, platformit puttasut, atortuusinnaasorlu puttasog.
- 11) Nunap imartaa: Nunap imartaa, Kalaallit nunaanni aningaasaqarnermi immikkoortitikkani minnerusuni, immat avatangiisiinik illersuinermit inatsit § 5, imm. 2.-mi ilaatinneqartoq

Uuliap oqimaatsup, usit annertuut poortorneqanngitsut usigalugit assartuinermit, oqimaaqutitut, assartukkatut, umiarsuullu ikummatissaatut sikuiuitsup kujalliup imartaani atorneqarnissaanut inerteqqut

§ 3. Sikuiuitsup Kujalliup imartaani makkua inerteqqutigineqarput:

- 1) Uuliamik kinertumik, annertuumik usigineqartumik assartuineq.
- 2) Uuliap kinertup oqimaalutatut atorneqarnera.
- 3) Umiarsuup ikummatissaatut, uuliamik kinertumik assartuineq.
- 4) Umiarsuup ikummatissaatut, uuliamik kinertumik atuineq.

Imm. 2. Aalajangersakkap taassuma imm. 1-ani, uulia kinertoq, ima paasineqassaaq:

1) Uulia sukuijagaangitsoq 900 kg/m^3 15° C -miit qaffasinnerusumik tangertaqartoq.

2) Uulia, uulia sukuiagaangitsoq eqqaassanngikkaanni, 15° C -mi 900 kg/m^3 -miit tangeqarnerusoq, imaluunniit kinematisk viskositet-ia 50° C -mi, $180 \text{ mm}^2/\text{s}$ -miit qaffasinnerusoq.

3) Bitumen, tjære, taakkualu arrottitsisinnaannginneri.

*Issittumi uuliamik kinertumik umiarsuarmut ikummatissatut atuinnermut,
assartuinnermullu siunertalimmik inerteqqut*

§ 4. Issittumi, uuliamik kinertumik umiarsuarmut ikummatissatut atuinnermut, assartuinnermullu siunertalimmik inerteqqutaavoq.

Imm. 2. Aalajangersakkami uani imm. 1-imi, uulia kinertoq, ima paasineqassaaq, uulia akuiagaangitsoq, tangia 15° C -miittoq, 900 kg/m^3 -miit qaffasinnerusoq, kinematiskimik kinissusaa 50° C -miittoq, $180 \text{ mm}^2/\text{s}$ -miit qaffasinnerusoq.

Tankinik aamma ruujorinik saliisariaqannginneq

§ 5. Issittup imartaani, § 4, imm. 2-mi ilaatinneqartuni, uuliamik oqimaatsumik atuineq, assartuinnerluunniit imaluunniit § 3, imm. 2, nr. 1-imiit 3-mut ilaatinneqartumi, sikuiuitsup kujalliup imartaani, tank-ip, ruujorillu siusinnerusukkut atorineqartut, assartorneqartulluunniit, umiarsuarmut ikummatissatut, salinneqarnissaat piunasaqaataanngilaq.

Nakkutilliineq

§ 6. Nalunaarummi tassani malittarisassanik eqquutsitsinissaq pillugu, Miljøstyrelsenimit nakkutilliineq aqunneqarpoq, tak. tamanna pillugu malittarisassat.

Maalaaruteqarneq

§ 7. Nalunaaarut una malillugu, Miljøstyrelsenimit aalajangiussat, miljøministerimut maalaarutigineqarsinnaangillat.

Pillaatit

§ 8. Iliusereriikkamut pillaatisiaq qaffasinnerusoq pillaatissiissutigineqanngippat, inatsit malillugu, akiliisitaanermik eqqartuussaaneqassaaq, ima pisoqarnerani malittarisassani §§ 3 aamma 4-mut akerliusumik uuliamik kinertumik atuinermi imaluunniit assartuinermi.

Imm. 2. Pillaatisiaq ukiut marluk angullugit qaffanneqartumik parnaarussaassutigineqarsinnaavoq, unioqqutitsineq piaarinikkut, sakkortuumilluunniit mianersuaalliornikkut pippat, unioqqutitsinermilu imaattoqarpat

- 1) avatangiisinik innarliineq imaluunniit ulorianartumik pinngortitsineq, imaluunniit
- 2) imminut imaluunniit allanut, takuneqarsinnaasumi sipaarniarnermi, aningaasatigut iluanaarutininik angusaqarnek, siunertarineqartorluunniit.

Imm. 3. Ingerlatseqatigiiffiit il. il. (inuit inatsisitigut pisinnaatitaasut pisussaataasullu) malittarisassat malillugit, pillaanermut inatsit kapitali 5-imi, tak. immami avatangiisinik illersuinermit inatsit § 62 pillagaanermik akisussaaffimmik piunaffigineqarsinnaapput.

Atuutilersitsineq aamma ikaarsaariarnermut aalajangersakkat

§ 9. Nalunaarut ulloq 1. juli 2024 atuutilersinneqassaaq, taamaattoq tak. imm. 2.

Imm. 2. Nalunaarummi § 4 aatsaat ulloq 1. juli 2029 atuutilissaaq, umiarsuarnut tulliuuttunut:

- 1) Umiarsuit, umiarsuarniit mingutsitsinermut illersuineq pillugu nalunaarummi ilanngussaq 1-imi maleruagassaq 12A-mi maleruagassanik eqqortitsisut.
- 2) Kategori A- aamma B-umiarsuarni, ulloq 1. januar 2017 kingorna sananeqartuni, uuliamik ikummatissaata annertussusaa katillugu, 600 m³-miit minnerusuni, taamaattoq 30 m³ ataannagu.

Miljøministeria, ulloq XX

Magnus Heunicke

/ Tone Madsen